

Mirza Muhamedbegović, profesor geografije - Završni magistarski rad

Fakultet/Akademija	PRIRODNO MATEMATIČKI FAKULTET
Tip Rada	Završni magistarski rad
Kandidat, zvanje	Mirza Muhamedbegović, profesor geografije
Naziv Teme	Društvenogeografski aspekt regionalnog razvoja općine Zvornik
Rezime/Abstract	<p>Općina Zvornik se odlikuje povoljnim geografskim, geostrateškim i saobraćajno - regionalnim položajem. Smještena je u sjeveroistočnom dijelu Bosne i Hercegovine, odnosno u istočnom dijelu geografske regije Sjeveroistočna Bosna. Do 1995. godine općina je zahvatala površinu od 499 km², nakon čega, novom administrativno-političkom strukturom Bosne i Hercegovine, biva destruirana, te je od njenog sjeverozapadnog dijela nastala nova općina - Sapna. Općina Zvornik danas ima površinu od 381 km² i administrativno - politički pripada entitetu Republika Srpska. Graniči sa općinama Bratunac, Milići i Vlasenica na jugu, Šekovići, Osmaci i Sapna na zapadu, Lopare, Ugljevik i Bijeljina na sjeveru, a rijekom Drinom na istoku graniči sa Republikom Srbijom. Heterogena fizičko-geografska struktura uslovlja je postojanje brojnih i različitih prirodnih resursa koji su predstavljali osnovu naseljavanja i privredne aktivnosti ovog područja. U geotektonskom pogledu pripada zoni Unutrašnjih Dinarida u čijem sastavu su zastupljene različite vrste stijena sa brojnim orudnjenjima. Geomorfološki izdvajaju se tri hipsometrijske zone (nizijsko - ravničarska, brežuljkasto - brdska i brdsko - planinska) sa dominantnom umjereno kontinentalnom klimom (Cfb) što je rezultiralo razvojem brojnih vrsta zemljišta pogodnih za razvoj poljoprivrede. Bogata površinska hidrografska mreža općine značajan je hidroenergetski potencijal, a naročito rijeka Drina i Zvorničko jezero. Društveno-geografske karakteristike općine Zvornik u drugoj polovini XX vijeka, uz manje oscilacije, imaju odlike kontinuiranog i dinamičnog razvoja koji su obilježeni procesima industrijalizacije, urbanizacije i deagrarizacije. Ovaj period je obilježen rastom ukupnog broja stanovnika i gustine naseljenosti što je uticalo na brži razvoj naselja i jaču privrednu aktivnost. U ovom periodu gradsko naselje Zvornik kroz svoj demografski i prostorni rast, te razvoj složenih funkcija poprima odlike regionalnog centra Sjeveroistočne Bosne. Od početka 90-ih godina XX vijeka, usljed rata, ratnih stradanja, izbjeglišta i raseljavanja, posebno mladih ljudi, općina Zvornik suočena je sa negativnim demogeografskim i ekonomsko-geografskim trendovima koji prema dostupnim pokazateljima u dogledno vrijeme neće biti značajnije mijenjani. U periodu nakon 1992. godine, dotadašnji regionalni centar Zvornik gubitkom stanovništva gubi i većinu prijeratnih funkcija, te danas ima ulogu općinskog središta, odnosno regionalnog centra trećeg reda u okviru manjeg bosanskohercegovačkog entiteta. Ključne riječi: Općina Zvornik, fizičko-geografske odlike, društveno-geografske odlike, regionalni razvoj, gradsko naselje Zvornik.</p>
Datum	29.09.2017
Predsjednik	Dr.sc. Jovan Plavša, redovni profesor, Uža naučna oblast „Regionalna geografija“ Prirodno-matematički fakultet Univerziteta u Novom Sadu
Mentor	Dr.sc. Fadila Kudumović-Dostović, docent , Uža naučna oblast „Regionalna geografija“ Prirodno-matematički fakultet Univerziteta u Tuzli
Član komisije	Dr.sc. Dževad Mešanović, docent, Uža naučna oblast " Antropogeografija" Prirodno-matematički fakultet Univerziteta u Tuzli
Član komisije	-
Član komisije	-
Zamjenski član	Dr.sc. Milka Bubalo-Živković, vanredni profesor uža naučna oblast „Regionalna geografija“ Prirodno-matematički fakultet Univerziteta u Novom Sadu
Dodatni detalji i lokacija	Javna odbrana završnog magistarskog rada obavit će se u petak 29.09.2017. godine u Sali broj: 211 Prirodno-matematičkog fakulteta Univerziteta u Tuzli, sa početkom u 15,00 sati
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.